



SAOPŠTENJE ZA JAVNOST

Vijeće za djecu Bosne i Hercegovine najoštrije osuđuje čin vršnjačkog nasilja koje se proteklih dana dogodilo u Nevesinju u Osnovnoj školi „Risto Proroković“, o čemu je putem medija upoznata šira društvena javnost.

Povodom ovog slučaja, Vijeće za djecu BiH naglašava da je sve učestalije kršenje elementarnih prava djeteta, kao što su u ovom slučaju pravo djeteta na život, opstanak i zdrav razvoj, pravo djeteta na zaštitu od svih oblika nasilja, kao i prava djeteta na zaštitu, oporavak i rehabilitaciju. Ova prava zagarantovana su djeci Konvencijom o pravima djeteta, a i relevantnim domaćim zakonima.

Vršnjačko nasilje izuzetno negativno utiče na fizičko, psihičko i socijalno funkcionisanje djeteta u razvoju, bilo da je ono žrtva, počilnac ili svjedok nasilja, a posebno ako se to nasilje često ponavlja, tj. ako preraste u zlostavljanje.

Smatramo da svi oblici diskriminacije djece sve više nanose štetu najdragocjenijem resursu svakog društva - djeci i omladini. Stoga, obrazovne vlasti imaju obavezu da uspostave efikasan i održiv mehanizam i da preduzmu sve mjere i aktivnosti za suzbijanje svih oblika nasilja nad djecom, i uspostave i dosljedno primjenjuju zakonske odredbe i protokole za zaštitu djece od nasilja i vođenja postupaka u vaspitno-obrazovnim ustanovama.

Pozivamo sve nadležne institucije da dosljedno primjenjuju zakonska rješenja za zaštitu djece od nasilja kao i uključivanje Ombudsmana za djecu RS.

Takođe, pozivamo i sve medije i one koji budu izvještavali o ovom slučaju do njegovog razrješenja, da dosljedno poštuju pravila za etičko izvještavanje o djeci, poštujući pravo na zaštitu njihove privatnosti, dostojanstva i integriteta.